



## Publicaziuns officialas dils 12-07-2019

---

### Damonda da baghegiar

Nr. 69/2019

Datum da publicaziun: 12-07-2019  
Patrun: Carigiet Urban, 7175 Sumvitg  
Liug e parcelas: Casep; 1118  
Object: colurar ils barcuns

Nr. 70/2019

Datum da publicaziun: 12-07-2019  
Patrun: Maissen Jean Claude, 8704 Herrliberg  
Representant: Degonda SA, 7176 Cumpadials  
Liug e parcelas: Plaun da Crusch; 4105  
Object: remplazzar finiastras

Ils profils ein tschentai ed ils plans da construcziun ein deponi tier la canzlia communal. L'investa publica cuozza 20 dis dapi il datum da publicaziun.

Eventualas protestas encunter sura damonda da baghegiar ein d'inoltrar alla cumissiun da baghegiar Sumvitg enteifer 20 dis dapi il datum da publicaziun.

Sumvitg, 12-07-2019

*Cumissiun da baghegiar*

### Provediment d'aua – diever d'aua da begls publics

Igl onn 2018 ei la facturaziun dallas taxas d'aua succedida per l'emprema gada tenor la lescha per il provediment d'aua ch'ei entrada en vigur culs 01-01-2018. La facturaziun nova succeda denter auter sin fundament dallas indicaziuns dils dumbraders d'aua. En ina emprema fasa ha la suprastanza communal desistiu d'incassar las taxas per spinas da curtin e begls privats sco era per il diever d'aua da begls publics.

Igl art. 19 dalla lescha pil provediment d'aua classifiescha ils begls publics sco suonda: *Ils begls publics ein ils begls sin terren communal ni ils begls sin terren privat cun character public ni cun muntada per il maletg dil vitg. Character public munta che pliras partidas ni gruppas d'interess (vischins, hosps e.a.v.) fan diever dil begl.*

Persunas che fan diever permanentamein da tals begls (p. ex. bugnar iert, schubergiar autos, schubergiar plazs e.a.v.) ein obligai da pargar ina taxa da consum. La suprastanza communal ha fixau la taxa annuala per il diever d'aua da begls publics sin frs. 50.--.

La suprastanza communal supplichescha las personas che fan diever d'aua da begls publics da s'annunziar tier l'administraziun communal entochen ils 31-07-2019. La vischnaunca vegn a far controllas sporadicas. Constatescha la suprastanza communal en quei connex ch'ei vegn retratg aua senza haver annunziou alla vischnaunca vegn la taxa incassada retrocativ naven dils 01-07-2018 e plinavon instradau ina procedura da multa.

Nus supplichein per Vossa collaboraziun ed engraziein per Vossas breigias. Per damondas stat l'administraziun communal (tel: 081 920 25 00) bugen a Vossa disposiziun.

Sumvitg, 12-07-2019

*Suprastanza communal*

### **Impediments da traffic sin via Naustgel**

Muort lavurs vid in tagl da lenna sto vegnir quintau cun impediments sil tschancun naven dalla Purteglia da Naustgel entochen a Puoz. La via vegn serrada sin quei tschancun sporadicamein per tut il traffic. Las lavurs cuozzan entochen la **fin fenadur 2019**. Per damondas stattan Hubert Tomaschett dall'interpresa Levy SA (081 947 51 26) ed il selvicultur Flurin Cathomas bugen a disposiziun.

Sumvitg, 12-07-2019

*Uffeci forestal*